

INUIT ATAQATIGIIT

INATSISARTUNI



UKA2022/125

28. September 2022

Kristian Jeremiassen

Uunga siunnersuut: Mittarfeqarfiit A/S pillugu Inatsisartut inatsisaat. Ineqarnermut Attaveqaasersuutinullu Naalakkersuisoq.

Mittarfeqarfiit pillugit aaqqissusseqqinneq pisariaqalerpoq mittarfis-sualiornerit aamma siunissami nunatta aningaasaqarneranut angallannermullu anner-tuumik sunniuteqartussaammat, Inuit Ataqatigiinniillu oqaluuserisassaq manna imatut oqaaseqarfingissavarput:

Inuit Ataqatigiit peqqissaartumik Qaqortumi, Nuummi, Ilulissanilu mittarfiit pil-lugit aaliangiinissamut kingunissaanik misissuititsinissamik kissaateqarsimavu-gut maannakkullu aaliangiinerit kingunerinik suliassat takkuttut suleqataaf-fingeqqissavagut inuiaqatingiinnut nunattalu aningaasaqarneranut pitsaaner-paamik kinguneqaqqullugit.

Nuummi Ilulissanilu mittarfissuit pilersinneqarnerisa kingorna nunatta angal-lannikkut naleqqussarneqarnissaa pisariaqarluunnarpooq, tamannalu pitsaasumik kinguneqartinnissaa siunertaralugu mittarfeqarfiit A/S pillugit inatsisissamik Naalakkersuisut saqqummiussinerat Inuit Ataqatigiit-niit iluarisimaarpapput.

Mittarfiit 13-isut, qulimiguulinnullu mittarfiit 46-sut manna tikillugu suliffeqarfimmit nammineertitamit Mittarfeqarfimmit ingerlanneqarput, pittaa-nerpaamillu inuiaqatingiinnut aaqqiissuteqassangutta maanna mittarfeqarfiit A/S pilersinneqartariaqarpoq innuttaasut oqimaattorsioqqunangit.

INUIT ATAQATIGIIT

INATSISARTUNI



Maannatut ingerlaannassangutta 33 millioner koruuninik ukiumut akisunerussaaq taamaa-lilluni innuttaasunut angalaniartunut annertuumik oqimaarsartitsissalluni tim-misartumut ilaanermut akit qaffasereeqlisut suli qaffaqqinnissaanik kingune-qarsinnaasumik, aningaasammi 33 millioner koruunit suminngaanniit tingune-qassangamik?

Allamik aallerfissaqanngilaq atuisuniit tamannalu akisuallaassaaq inuiaqatigiinnut taamaammat piffissaavoq mittarfeqarfiiit A/S piviusunngortineqarnissaa. Nuummimi Ilulissanilu mittarfittaassat 2024-mi atulernerisigut Mittarfeqarfiiit isertitaminik annertuumik annaasaqartussaasoq naatsorsuinerit takutippaat taamaammat iliuuseqartariaqarnerput piffissaavoq.

Ukiuni Kingullerni angallannikkut isumaqatingiissutit pittanngoriaateqaratik ajorsiartuinnarsimapput mittarfeqarfinnilu allannguinngikkutta angallannikkut pissutsit suli inuiaqatingiinnut ajorseriartussaapput, tamannalu kissaatinginanngqaaq iliuuseqalernerlu Inuit Ataqatigiit-niit iluarisimaarpalput.

Selskab-imik pilersitsisinerup kingunerisartangaasa ilaat mianerissangipput Inuit Ataqatigiit isumaqarpugut, selskab-inngortitsinerup kinguneranik inuiaqatingiinnut akisunerulissanngimmat illuatungaatingulli pittanngoriaateqartariaqarpoq tamannalu pinaveersaartillugu Naalakkersuisut maanna siunnersuuteqarput ajornerusumik kinguneqartussaammat inuiaqatingiinnut.

Taamatut oqaaseqarluta oqaluuserisap aappassaaneerneqannginnarani Inatsisartut sanaartornermut ataatsimiititaliaanut suliassanngorlungu ingerlateq-qipparput.

Kristian Jeremiassen, Inuit Ataqatigiit